

اسلام گزینی

مدیری: حلیم ثابت

۲۷ جمادی الاولیٰ ۱۳۳۲

۱۰ نisan ۱۳۳۰

صافی ۶

ییل ۱

اسلام قادی

اسلامده قادینک موقع اجتماعیسی

- ۲ -

اسلامیت قدر قادینک حقوقی صیانت ، مساواتی تأمین ایدن بز (دین)
 کوستریله مز . شریعت اسلامیه نظرند قادین وارکک مساویدر . بر ارکک نه کی
 عبادتله مکلف ایسه بر قادین ده عین عبادتله مکلفدر . بر ارککک حقوق مدنیسی نه دن
 عبارت ایسه بر قادینک ده اونک عینی در . فرقان حکیم ده (مسلمین) ایله (مسلمات)
 (مؤمنین) ایله (مؤمنات) دائماً برابر ذکر ایدلشد . ارککله قادینک نه
 موقعلری ، نه ده حقوقلری آره سنده هیچ بر فرق یوقدر [۱] .
 قادینلرک موقع اجتماعیلری تعیین ایچون حضرت پیغمبر طرفدن شو دستور
 وضع ایدلشد :

(قادینلر هر خصوصده ارککلرک نظیری و جمعیتک نصف دیکری در .) [۲]
 انصاف ایله دوشونه لم . بر دین که نبیسی ، یوقدر علوی بر قانون وضع ایتلشد ،
 اودینک قادینه وضع بر موقع ویرمش اولدینی نصل ادعا اولته بیلیر ؟ حدیث
 شریف میدانده ایکن قادینی سفیل بر در که نه سور و کله یین مسلمانلر پیغمبرلرینک
 فرمانه اطاعت ایتمش صاییه بیلیرلرمی ؟ . . .

[۱] شهادت کی بعض احکامده قادیله ارکک آره سنده بر فرق کوزه تیلمش اولسی
 محافظه حقوق کی بر حرکت اجتماعییه مستنددر : قادینلر صوک درجه حساس اولدقلری
 کی شفقتلری ، کین وانتام خلری ده فطرتاً ارککلره نسبتله داهادرین ودها کسکین در .
 حیانتک مغلوبی اولان بر قادینک مقام شهادتده اخلاعه حقوقه میدان ویره بیلمه می محتسدر .
 احکام شرعییه ده برنجی اساس ، حیات جمعیتک محافظه انتظامی ، حقوق بشریه نک ضیاعدن
 صیاتی اولدینی جهته ، بو خصوصی داعا ای تأمین ایده بیلمک ایچون مقام شهادتده
 بر ارکک برینه ایکی قادین اقامه ایدلشد . مع مافیه ابواصوالک ده مستتالری واردر . نک
 بر قادینک ده بر ارکک کی شاهد اوله بیله جکی بعضی موضع واحکام موجوددر .

[۲] انما النساء شقائق الرجال [حدیث شریف]

(قود ناپولیون) دە ، قادینە بر جەدیتک احکامەدن داها یوکسک بر موقە
بەخش ایدن تەک بر مەدە کۆستریلە بیلیرمی ؟ آوروپا قانونلرینی تەدقیق ایدرسەک ،
یەکرەنجی عصر مەدیتە بیلە غەربک قادینە بوقدر یوکسک بر موقە ویرە مەمش
اولدایغنی حیرتە مەشاهدە ایدەرز .

خالبوکە بوجەدیت ، غەربستاندە وەلکە بوتون جەهاندە قادینلرک هەرتورلر
حقوقدن محروم بولندقلری بر زماندە ایراد بیورلمشدی . اویە بر عصر دە کە غەربلر ،
قیزلرینی دیری دیری مزازە کومیور ، او دورک اک مدنی ایکی حکومتی اولان
ایران ایلە ییزانس دە ، قادینلر ذوق شەوانی بی تسکینە مأمور برراکلنجه ،
ارککک کیف و آرزوسنی ایفایە خادم برر (اسیرە) تلقی اولیورلردی ! .
اسلامیتدەرکە بوقارا کلک عصرە انتباه نورلری صاچدی . بوسایەدە فکەرلردە میل
اعتلا اولاندی . حیات اجتماعینک تنظیمی لزومی آکلاشیلدی . عائە حیاتک
ناظم اصلینی اولان قادینک اهمیتی تەدیر ایدلدی ، جەیتک یوکسکەسی قادینلرک
اعتلاسنە متوقف بولندیغنی عمومیتە قبول اولندی ! .

جناب رسالتینا ، هر وسیلە ایله قادینلرک جەیتە اولان خدمتلرینی ،
وظیفەلرینک قدسیت و اغرائتی یاد و یجیل بیوریورلردی . [۱]

شریعت احمدیە نظرندە مؤمنلرک اکملی حسن اخلاق ایله متصف اولانلر ،
اک خیرلینسی دە قادینلرە قارشنی خیر کۆسترنلردر . [۲]

جناب رسالتینا بر جەدیت دە ، قادینلرە اکرام و حرمت ایدن کیمسەلرک
کریم و محترم ، اهانت و حقارت ایدنلرک دە آلقاق و ذلیل اولدقرینی تصریح
بیوریورمشلردر . [۳]

[۱] حاملات ، والدات ، مرصعات ، رحات باولادەن لولا یاتین الی ازواجین دخل
مصلیاتین الجنة [حدیث شریف]

[۲] اکمل المؤمنین ایمانا احسنهم خلقا و خیارکم خیارکم لنسائهم [حدیث شریف]
مؤمنلر آره سندە ایمانی اکمل اولان حسن خلق ایله متصف بولنان کیمسەدر . بزرک
خیرلکزدە قادینلرینە خیرلی اولانلر بکزدر .

[۳] خیرکم خیرلم لاهله وانا خیرکم لاهلی . ما اکرم النساء الا کریم . وما اعانتن الا
لکم . (حدیث شریف)

اک خیرلکتر اهل و عیالنه فائده لی اولانلرکزدر . سنده اهلنه خیرلی اولانلرک ایجتەدە
خیرلیم . قادینلرە آنجق کریم اولانلر لطف و حرمتە معاملە ایدرلر . قادینلرە آلقاقلردن
باشەسی اهانت و بد معاملە ایتمز .

اسلاميتك قاديته يوكسك بر موقع تأمين ايتمش اولديغنى ادعا ايدوبيلمك
ايچون - المزدہ باشقه هيچ بروئيقه اولمسه بيله - يالكز بو حديث شريفك حكم
بلندي كافيدر . حالبوكه بومالده كي نصوص واحاديثك عددي اوچه بشه منحصر
دكلدر . نه چاره كه ، نصوص واحاديث صحيحه بي اصلا نظر اعتباره آلمه رق
ويا بونلرك غوامضه نفوذ ايدميه رك اقوام ماضيه نك كوفلي خرافه لرني احكام
اسلاميه شكله صوقانلر ، ار ككلاريه برابر مسلمان قادينلرني ده يك آجقلى
بروضيته سوروكله مشلردر !

شريعت اسلاميه بر قادينك ظلم كورديكى ار ككدن شكايه ايتمه سنه ، كندى
مالنده ايستديكى كي تصرف ايتمه سنه ، قابليتك مساعد اولديغى علوم ايله مشغول
اولمسه ، حادثات علميه واجتماعيه حقده تدقيقاتده بولمسه سنه ، حتى بو خصوصده كي
تبعاتنى ايلري كوتورمك ايچون سياحته چيقمه سنه ، نافع كتابلر تاليف ايتمه سنه ،
مباحث علميه ومسائل شرعيه ده رأى وفتوى ويرمه سنه ، تجارتاه اوغراشمه سنه
خلاصه ، شرعك ار كك حقده جواز كوسترديكى مطالبدن - قادينك وظائف
اجتماعيه ومدنيه سي داخلنده بولنانلردن - هر هانكي برينى طلب ايتمه سنه يردن
كوكه مساعده ايتمشدر !..

حضرت پيغمبر ، (جنت آنالرك آياغى آلتنده در [۱]) مالنده كي حديث
شريفله قادينى اك بيوك والك نجيب بر مقام عاليه اعلا ايتمشدر . اصحاب كرامدن
بر ذات طرفندن اك زياده كيمه ايلك وحرمت ايتك لازم اولديغنه دائر
وقوعبولان برسؤاله ، ذات رسالتناهي (والده كه !) جواني ويرمش وبوجوابي
اوج دفعه تكرار بويوردقندن صكره انحق دوردنجي ده (بدريكه !) لفظنى ذكر
ايتمشلردر . [۲]

اسلاميت ده قادينك موقع اجتماعيسى ار ككك دوننده اولديغنى ادعا ايدنلر
مياننده ظن ايتمكه شو حديثدن خبردار اولانلر بولونسون ! چونكه حديث
شريفه مطلع اولدقندن صوكرم بويله بر ادعاده بولمق ايچون انسانك يايچون ويا
غرضكار اولسي ايجاب ايدر !..

[۱] اللجنة تحت اقدام الامهات . (حديث شريف)

[۲] امك ثم امك ثم امك ثم اباك ثم الاقرب فالاقرب (حديث شريف)

قادینک حقوقه تجاوز ، شریعت اسلامیہ جہ ، اک شنیع محرماتدن عد
ایدلشد [۱] زوجہ سنک یوزنی کوالدیرن ، حقوقه رعایت ایدن کیسه ،
شریعت نظرندہ اک خیرلی برمسلماندر . [۲]
انسانک اوزرندہ کی حقوقک اک بویوکی والدہ لرہ عائد بولندی طرف رسالتدن
تصریح بویورلشد [۳] .

قادینلر اسلامک ایلمک دورندہ وصایای نبویہ دائرہ سندہ جمعیت ایچندہ محترم
وعالی برموقعہ مالک ایدیلر . اسلامیتدرکہ قادینی قرون ماضیہ خرافہ لری ایچندہ
یووارلاتان بشریتک حقارت وذل طوفانلری آراسندن قورتارمش ، بنات
حوایی وضع بردرکہ دن عالی برموقعہ اصعاد ایتمش ، اوکا برموجودیت شخصیہ
تأمین ایلشد . [۴]

م . شخصی الدیہ

ویمہ ادبیاتی

اسلامیتدن اول

توکلرک جدآ زنکین و محتشم بزکتہ تشکیل ایدن ادبیات دینیہ سی ، همان
بالعموم تورک محصولات ادبیہ سی کی ، اسلامیتک قبولندن صوکرکی دورہ یہ
عائددر . تورکلرک اسلامیتی قبولدن اول سالک اولدقلری دینلر مثلاً « شامانیلک »
« مانیلک » ، « خریستیاللق » - برنجیسی مستثنا اولق اوزرہ - پک محدود زمان
ومکانلرہ منحصر قالمق وتورک بنیہ روحیہ سیلہ استیناس ایدہ مہمک حسیلہ مہم
و پایدار اثرلر میدانہ کتیرہ مہم شد . اودورلرک یادکاری اولہ رق بوکون المزدہ

[۱] ائی احرم علیکم حق الضعیفین الیتیم والمرأۃ . (حدیث شریف)

[۲] خیارکم خیرکم لاماء . (حدیث شریف)

[۳] واعظم الناس حقاً علی الرجل امه . (حدیث شریف)

[۴] ان الله یوصیکم بالنساء فانھن امھاتکم وبناتکم وخالاتکم . (حدیث شریف)

جناب حق سزہ قادینلرہ لطف وحرمتہ معاملہ ایتکی امر ایدر . چونکہ اونلر
آتالریکز ، قیزلریکز ، خالالریکزدر .